

四庫全書

史部

欽定四庫全書

皇朝通志卷四十二

禮畧

嘉禮一

臣等謹按鄭樵通志嘉禮一門首列天子加元服
皇太子冠諸侯大夫士冠天子納妃后天子冊妃
嬪夫人皇太子納妃公侯大夫士婚禮諸目次以
元正冬至受朝賀謹考朝會之儀所以正名分辨

等威萬國朝宗共球畢集用昭中外一統之盛禮
無大於此者我

朝自崇德元年以元旦冬至

萬壽聖節定為三大節朝賀之禮順治元年定

皇太后三大節禮儀並為萬世遵行謹序列於篇首次以

常朝

御門聽政

經筵

臨雍諸大典儀節詳備並見

大清通禮茲唯恭載

列朝定制之大者著於篇中

皇帝三大節朝賀之禮

天命元年正月朔

太祖高皇帝御殿行慶賀禮始制朝儀

天聰元年正月朔

太宗文皇帝率諸貝勒大臣拜

金史卷之二十一
卷四十二
天畢

御殿受朝是日諸貝勒文武羣臣各按旗序行三跪九叩
頭禮國制每於除夕元旦陳樂舞設大宴是日以
太祖喪撤樂停宴崇德元年定元旦進慶賀表箋奏樂又
定元旦前三日至第九日止各官皆朝服

順治元年正月朔

世祖章皇帝御殿受朝賀停筵宴免上表并年例進獻二
年十二月更定朝儀又定元旦前後七日王公百

官皆朝服八年四月定三大節禮儀凡元旦冬至

上詣

皇太后宮行禮畢還宮陞太和殿鳴鐘鼓作樂諸王文武
百官行慶賀禮九月頒慶賀表式於各藩王及督
撫提鎮各衙門是年定朝會賜羣臣坐之儀凡大
朝常朝行禮畢賜羣臣坐郡王以上進

殿內貝子以下在丹陛上百官在丹墀內均照班次
跪行一叩頭禮坐

皇帝進茶王公百官均就坐次行一叩禮光祿寺執事官授羣臣茶羣臣受茶就坐次行一叩禮飲畢復行一叩禮至十二年十月禮部復議貝子公以上同諸王行禮畢進

殿內兩傍列坐從之又定三大節在外文武官均設香案望

闕行禮與京朝官同九年設糾儀司員凡

御殿日設禮部司官四人於王公行禮處設吏部禮部司

官各四人於百官行禮處糾儀

康熙元年定王公百官班位親王世子郡王長子
貝勒貝子入八分鎮國公輔國公在丹陛上序立
不入八分公民公以下分為六班其次各照職銜
不論加級違者察處十六年重定百官班位九品
共為九班官有兼銜則從其銜之大者二十年設
滿漢糾儀御史各二人侍立糾儀

雍正元年正月

世宗憲皇帝詣

壽皇殿行禮不陞殿受賀二年正月朔

御殿受朝賀宣表三年正月朔

御殿受朝賀以

聖祖仁皇帝大喪未逾三年表文但

呈進不宣讀八年定各直省望

闕朝賀設糾儀官省會以道員一人如無道員以府
同知一人外府以同知一人無同知則用通判州

縣俱用教官一人監視禮儀如有越次失儀及遲誤不到者糾儀官揭報督撫指名題叅

盛京以

盛京禮部司官二人

乾隆元年正月朔

皇上御太和殿中和樂設而不作諸王公文武各官朝
鮮使臣進表行慶賀禮表文不宣讀十二月禮部
奏乾隆二年元旦禮儀奉

諭今歲元旦乃朕御極元年朝正大典禮制攸闕且在
皇考大事百日之外是以勉從諸王大臣所請御殿受朝
明年元旦尚在二十七月之內陞殿受賀朕心不忍
不必陞殿行禮二年十二月奉

諭朝賀時令大學士於殿內賜茶是年更定漢官東西
班位七年令外省官在京者一例入班行禮八年
奉

諭御殿及筵宴日殿內止大臣賜坐侍衛等均著侍立

不必賜坐賜茶時若侍衛輪流奉授不無舛錯遺漏嗣後授茶時著禮部前期取應坐之王公大臣數目每一人令侍衛一人授茶仍依次接回庶不致舛錯遺漏十八年停止外省藩臬等官進表箋慶賀二十二年增設朝會糾儀官員於儀仗之後

昭德

貞度二門階下東西各設滿漢御史二人禮部司員二人侍衛二人嚴行稽察二十四年禮部議准凡

大朝之期百官仗外侍立各有品級班次從前未經標示一定地位嗣後遇

陞殿日交鴻臚寺於儀仗之外照常朝坐班例設立紅漆木牌預先按次排班如有參差斷續錯綜者令糾儀官查叅二十七年定慶賀題本式面用黃綾內加黃簽二十八年更定慶賀本章俱用黃紙其面頁仍用黃綾黃簽凡三大節表式及朝賀儀及元旦

萬壽聖節

太和殿筵燕儀均見

大清通禮

右元旦朝賀

崇德元年定長至進表慶賀不設宴

順治元年十一月

南郊禮成

上御殿受諸王貝勒及文武羣臣朝賀八年定長至節於

次日

御殿受賀

康熙二年二月停止在外各衙門齋進冬至慶賀
表文六年十一月冬至次日

御殿諸王大臣上表慶賀以

世祖章皇帝配

天禮成

頒詔大赦

雍正元年十一月冬至次日

御殿受朝賀以

聖祖仁皇帝配

天禮成

頒詔天下

乾隆三年十一月十三日冬至以值

聖祖忌辰改於十四日行禮次日

御殿受朝賀二十四年十一月冬至次日

御殿受朝賀以回部平定

頒詔中外凡冬至朝賀典禮與元旦儀同

右冬至朝賀

崇德元年定

萬壽聖節進表朝賀與元旦同二年十月

萬壽節

上御篤恭殿內外親王貝勒及朝鮮質子及文武各官上

表稱賀進獻鞍馬黃金緞匹等物四年十月

萬壽節

御殿受賀次日賜諸王貝勒文武諸臣大宴五年十月

萬壽節

頒詔大赦

上諭內院大臣曰今日乃朕誕辰內外諸王貝勒及文武羣臣莫不懽忭但小民及罪人等亦宜加恩令其同霑膏澤爾等可於朕未御殿時先宣讀赦書宣畢來奏宣

讀畢復奏

上乃御崇政殿受王公百官朝賀如儀

賜羣臣宴於禮部七年十月

萬壽節自二十二日至二十八日王以下章京以上俱朝

服以國中方避痘停止作樂

順治三年正月定外藩蒙古各旗慶賀

聖節進獻牛羊令於每年元旦貢獻牛羊時一並奏進八

年四月定

萬壽聖節朝賀儀凡遇

萬壽節鹵簿大駕全設

上先詣

太廟行禮次詣

皇太后宮行禮畢陞太和殿鳴鐘鼓作樂諸王文武百官

行慶賀禮直省文官知州以上武官守備以上各

差官進慶祝表十四年正月

萬壽節停止朝賀

康熙元年三月

萬壽節

上率諸王大臣詣

聖祖母皇太后

聖母皇太后宮行禮畢

御殿受諸王百官朝賀四十二年三月

萬壽節停止筵宴朝賀先是正月諸王大臣奏今年三月

十八日

皇上五旬大慶逢

聖駕巡閱南河臣等請於

駕發之前預行慶賀禮恭進鞍馬緞匹等物

上諭曰朕之誕辰爾等如此進獻在外督撫亦必效之朕必不受朕素嗜文學爾等諸臣有以詩文獻者朕當留覽焉既而大學士等及部院諸臣恭進慶祝

萬壽無疆屏

上復卻之於是大學士及部院諸臣復以慶祝

萬壽屏文繕寫冊頁進呈奏曰臣等恭製此屏皆敷陳我

皇上功德實事乞

賜留覽得

旨屏內所書之詞俱已載在冊頁朕留冊頁即與留屏無異此屏朕必不受也屆期

上詣

皇太后宮行禮停止朝賀仍

頒詔天下五十年

萬壽節

御殿受朝賀奉

諭朕於壽日停止朝賀已二十餘年茲諸王羣臣以今歲
當五十年昇平之會特請御殿行禮以愜中外官員士
子及兵民人等仰望之心朕勉順輿情應如所請屆期
上率諸王大臣詣

皇太后宮行禮畢

御殿受慶賀如儀停止筵宴五十二年三月以

六旬萬壽受朝賀

頒詔天下是年直省官員紳士耆庶先期赴

闕分建綵棚自西直門至

暢春園相屬二十里禮部奏言每歲恭遇

萬壽聖節王以下文武各官朝服七日在

暢春園蟒袍補服今歲恭遇

萬壽六旬大慶非尋常可比應自三月初一日起至月終

咸朝服蟒袍補服嗣後每遇十年照此例行得

旨著自初一日至二十日屆期

上奉

皇太后御輦陳大駕鹵簿由

暢春園回宮直隸各省官員士庶夾道跪迎耆老等
進獻萬年壽觴

上停輦慰勞徧賜老人等壽桃及食品諸王文武大臣等
並於誦經處跪迎

上霽容俯視皆賜以食品遣官祇告

天

地

太廟

社稷

頒詔天下是日

上率諸王大臣詣

皇太后宮行禮畢

御殿王以下文武各官及致仕給還官員行慶賀禮八旗

兵丁直隸各省耆老士庶齊集

午門外叩祝行禮

上回宮內大臣侍衛內閣翰林院禮部都察院詹事府等

衙門侍直官員詣

乾清門行禮是日

上奉

皇太后幸暢春園王以下滿漢文武官員直隸各省耆老

士庶仍於各誦經處跪送是月宴漢大臣官員士

庶年九十以上者三十三人八十以上者五百三

卷四十二
十八人七十以上者一千八百二十三人六十五
以上者一千八百四十六人於

暢春園正門內

皇子等出視食品宗室子執爵授飲

上陞座命扶掖八十歲以上老人至

御前

親視飲酒越二日宴八旗大臣官員兵丁閒散等年九十

以上者七人八十以上者一百九十二人七十以

上者一千三百九十四人六十五以上者一千十
二人於

暢春園正門前如前儀翼日八旗滿洲蒙古漢軍老
婦齊集

暢春園

皇太后宮前隨召九十以上者入宮門內八十以上者至
丹墀下七十以上者集宮門外大臣妻年老者亦
皆召至宮門內賜坐

皇太后同

上親視頒賜茶果酒食等物其餘皆

皇子率宗室子以次頒給並賜衣飾綵緞數珠銀兩
有差准諸臣奏編纂

萬壽盛典六十年正月以

御極六十年大慶

命皇子等恭代告祭

永陵

昭陵

福陵二月

親謁

暫安奉殿

孝陵

孝東陵告祭遣官告祭

天

地

太廟

社稷三月

萬壽節諸王大臣百官合詞請上

尊號

上謙讓不許並

命停止慶賀及詔赦恩賚等儀直省老人王年豐等詣

闕叩祝並進土產諸物皆卻之仍賞賚有差

賜宴王公以下文武各官年六十以上者於

乾清宮合千餘人分

頒賞賚

命名曰千叟宴

雍正元年十月

萬壽節停止朝賀筵宴令中外臣工毋得建立道場五年

十月

萬壽節停止朝賀筵宴並

諭內外諸臣毋得建立經壇進獻珍玩各省督撫請進京

慶祝

萬壽不許

乾隆元年八月

萬壽節

上詣

雍和宮行禮畢還

宮詣

皇太后宮行禮停止慶賀五年八月

萬壽節

御殿受朝賀先是臣工以

皇上三十萬壽請行慶賀大禮奉

諭仍照常年之例行若有在常例之外者俱著停止六

年八月

萬壽節恭遇

上巡幸熱河

上詣

皇太后行宮行禮畢

御行殿扈從諸王貝勒貝子公及文武大臣官員暨外
藩蒙古王以下各官行慶賀禮先是七月禮部奏
言八月十三日

萬壽聖節恭遇

聖駕巡幸扈從王大臣官員應於

行宮前行慶賀禮其班位王公大臣在網城內三品
以下官在網城外在京王公大臣官員於

午門前行慶賀禮其筵宴應請停止從之嗣是每歲巡幸熱河恭遇

聖節慶賀之禮俱照此行惟每閱十年恭逢大慶始於京師行

御殿受賀禮十五年八月

萬壽節

御殿受朝賀奉

旨著傳諭各省文武大臣不得具摺奏請來京二十五

年八月

萬壽節

御殿受朝賀三十五年八月

萬壽節

御殿受朝賀四十五年八月

萬壽節

御山莊行殿受朝賀五十年正月

上御極五十年大慶

頒詔天下舉行千叟宴

賜王公宗室內外文武大臣官員紳士兵農等年六十以上者宴於

乾清宮合三千人列席於階上階下一品及九十以

上者

親賜卮酒其餘

命皇子及宗室子授爵人各

賜

御製千叟宴詩及杖並以次賞賚有差凡

萬壽節慶賀與元旦朝賀儀同

右

萬壽聖節朝賀

皇太后三大節朝賀

臣等謹按鄭氏通志不載皇太后朝賀儀蓋由列
代以來儀文未備無從紀述故也恭惟我

朝

列聖以孝治天下

御極之始尊奉

慈寧每遇

皇太后三大節

親率王公大臣行慶賀禮

皇上尊養

聖母皇太后孝思誠篤典禮加隆允宜敬輯盛典詳著於

篇以昭

聖代承

歡迓福之懋典為亘古所未有焉

順治三年正月

世祖章皇帝詣

皇太后宮行禮畢受諸王大臣朝賀自後元旦冬至朝賀

皆先詣

皇太后宮行禮歲以為常八年定

皇太后三大節禮儀屆日

皇太后儀仗全設

皇帝

皇后詣

皇太后宮

皇太后陞內殿

皇帝

皇后先行禮畢還宮公主和碩福晉以下都統尚書子

命婦以上俱詣

皇太后宮行禮十年二月

皇太后萬壽節以祭

社稷壇齋期移於前一日行慶賀禮

康熙八年定元日冬至次日

太皇太后

皇太后慶賀禮儀詳見

大清會典十八年二月

太皇太后聖壽節奉

懿旨以春分齋戒更於後二日補行慶賀禮三十九年十

月

皇太后六十聖壽

聖祖仁皇帝率羣臣行慶賀禮四十九年十月

皇太后七十聖壽

聖祖仁皇帝率羣臣行慶賀禮如三十九年之儀六十一

年十二月王大臣等奏請雍正元年元旦詣

皇太后宮行慶賀禮奉

懿旨停止行禮

乾隆二年正月停止王大臣等詣

皇太后宮行禮前期奉

上諭朕前降旨明年元旦停止御殿受朝

皇太后前照常行禮今奏知

皇太后蒙降

懿旨明年元旦尚在

世宗憲皇帝服制二十七月之內

皇帝既不受朝其王公大臣赴慈寧宮行禮亦著停止
五年十一月定

皇太后萬壽聖節大小臣工咸服蟒袍七日不理刑名著
為令六年十一月

皇太后五十萬壽

上率諸王大臣行慶賀禮七年十一月以

皇太后聖誕適屆冬至日於三日之前預行慶賀禮十六
年十一月

皇太后六十萬壽加上

徽號

上率王公大臣等行慶賀禮

頒詔天下二十六年十一月

皇太后七十萬壽加上

徽號

上率王公大臣行慶賀禮

頒詔天下是年以

皇太后聖誕日適逢

南郊齋期改於前三日預行慶賀禮三十六年十一月

皇太后八十萬壽加上

徽號

上率王公大臣行慶賀禮

頒詔天下三十七年十一月

萬壽節奉

諭奉

皇太后懿旨向來每遇慶典令節皇帝詣慈寧宮朝賀至永康左門外即降輿步入今皇帝春秋已逾六旬雖體氣強健精力如常而禮數過勞之處亦宜隨時搏節嗣後元旦行禮在慈寧門東階下降輿萬壽行禮在慈寧門西階下降輿並就門旁著內監設便座以資小憩以示惓惓愛護之意欽此朕欽承

慈命敢不祇遵著傳諭各該衙門載入儀注敬謹遵照

臣等謹按我

皇上尊奉

慈闈崇儀告備孝治特隆胥九州萬國以祝

釐合

五世一堂而篤慶凡諸推

恩錫類掖

輦頤和侍

萱殿之

起居備

璇宮之

孝養往牒未有倫比盛典獨冠古今向遇朝賀行禮

皇上祇謁

慈寧於

永康左門降輿步入必誠必敬積久益虔伏讀壬辰年

上諭及

御製詩

皇太后聖壽節

慈寧宮行禮即事成什注云今恭奉

懿旨以朕年逾六旬雖精力强健亦宜隨時搏節

命嗣後元旦於

慈寧門東階下降輿

萬壽節於西階下降輿並就門旁預設便座以資小憩

懿訓為昭

孝思維則禮節詳明昭示萬世洵為亘古以來未經表

見之

備福隆禮矣

常朝

崇德元年定每月初五十五二十五日

御殿聽政及各官謝

恩儀凡王以下各官遇陞賞等事於每月常朝日行謝

恩禮

順治八年禮部議定謝

恩儀注王以下各官以上陞級授官謝

恩王貝勒貝子公大臣等出師凱旋受賞謝

恩王以下文武各官以上及喀爾喀貢使朝見俱設鹵簿

奏樂鳴鐘鼓

上御太和殿鳴贊官唱贊行禮王以下官員以上

欽命婚娶者或於

中和殿或於

位育宮俱朝服行禮不唱贊其常時賞賚謝

恩便服行禮亦不唱贊從之九年定常朝儀注每月於初

五十五二十五日

上御太和殿文武各官朝服行禮如是日不

御殿赴任及朝見官員均在

午門外行禮文武各官均於是日齊集坐班外藩王
公台吉來朝及喀爾喀厄魯特入貢使臣亦於常
朝日行禮又定八旗武官除大朝常朝外每月初
一初十二十日具公服於

午門外分翼坐班如遇

巡幸除朝期外每日於

午門外坐班用常服十二年定朝期王以下公以上
在

午門內朝房齊集十八年定王公百官行禮位次常
朝日如遇

御殿文武陞賞各官及京官外陞外官來京應行禮者不
論品級皆於

殿前行禮

康熙九年令都察院糾察諸王大臣失儀者二十年設常朝糾儀御史及司員凡常朝及八旗上朝坐班之日班首班末皆以滿漢御史各一人監察吏部禮部亦派滿漢司員監察如有失儀指名題叅

雍正二年遣侍衛四人監察朝班又定凡

御殿日未明以前鴻臚寺官左右各二人引左右翼官從兩掖門入各就本班坐鼓嚴咸起立聽唱贊由仗

南引進依次排班行禮

乾隆元年三月奉

諭每月逢正朝期鴻臚寺照例奏請御殿此二十七月之內如遇國家重大典禮萬不可已者間一御殿外此概不舉行從前諭旨甚為明晰似此朝會常儀理應停止俟二十七月之後再行奏請二年申嚴常朝坐班儀三年定每月八旗官員坐班日禮部兵部各派司員二人稽察又定文武月選官謝

恩儀凡文武官選授之後吏兵二部開列名單知會鴻臚寺俟領憑領劄十日之內鴻臚寺傳集演禮四品以上於

午門外五品以下於

天安門外謝

恩逾期不到者四品以上指名題叅四品以下送吏兵二部察議彙奏十六年禮部奏上朝官員宜朝服親投職名由東西掖門分入以便稽察常朝坐班

各部院大臣宜董率庶僚按期到班毋許曠闕從之十七年禮部奏常朝坐班向無定時今定春冬以辰正夏秋以卯正屆期各官依次列坐後至者指叅從之

御門聽政

順治二年定每日奏事吏戶禮兵工五部輪流首奏刑部常列三班並令翰林科道同奏事官齊進侍班記注

康熙六年七月

聖祖仁皇帝親政行慶賀禮是日

御乾清門聽政嗣後日以為常十八年九月

諭大學士等朕每日聽政一切折出票簽應商酌者皆國
家切要政務得失所係今後起居注官除照常記注外
遇有折本啟奏俱令侍班記注二十一年九月定

御門晷刻春夏以辰初刻秋冬以辰正初刻為期二十三

年五月

諭九卿詹事科道等御史衛執蒲奏請御門聽政或以五日或以二三日為期其意蓋欲君臣之間政事餘暇稍得休息也朕自躬親庶政宵旰弗遑念致治之道務在精勤勵始圖終勿宜有間二十餘年以來於凡用人行政事無鉅細罔不殫心籌畫早夜孜孜有如一日

郊

廟裡享必躬執事間有不親詣之時皆甚非得已至於內殿齋居幾微悉謹左右贊御咸所稔知在朕未明求衣

辨色視朝日與大小臣工率作省成用熙庶績近念爾
諸臣奏事勞苦少展御門晷刻俾得從容入奏非圖便
安邇年海宇敕寧政事漸簡頃復諭部院事務應得歸
併者酌量合奏期於簡要清省從此民生日康刑清政
肅部院章奏當不期省而自省若必預定三日五日以
為奏事常期非朕始終勵精之意也二十四年五月定
大朝之期奏章交送內閣停止啟奏

雍正元年

世宗憲皇帝御門聽政二年定吏部奏事在各部院衙門
之後三年令每聽政日於翰林院編修檢討內按
俸以四人侍班班在科道之上七年十二月

諭內閣十五日御門辦事奏事大臣及引見官員等俱著
用補服嗣後朕臨御前殿照常用朝服至御門理事只
用補服遇應服蟒袍之日亦著補服蟒袍永著為例

乾隆元年十一月

上御門聽政先是雍正十三年十二月

諭曰據禮部奏請初十日御門辦事今百日甫過朕即御正門理事心實不安朕受

皇考付託之重所有國家政務在便殿隨時辦事不敢畧有曠廢其御門之典俟明春再行請旨至是年二月復奉

諭曰禮部奏請二月十三日御門聽政朕思百日之後雖閱兩月

皇考梓宮尚在

雍和宮朕即御門聽政心實不忍可俟

梓宮奉移

山陵後再行請旨十月奉移

世宗憲皇帝梓宮禮成至是月

上始御門聽政如儀二年六月

上御門聽政以遇雨賞諸臣紗有差十一月令

御門日設氈墊於大學士等跪所

諭曰向來御門聽政大學士等俱不設氈墊惟圓明園

奉

皇考特旨鋪設而乾清門尚仍其舊原定制之意蓋以君尊臣卑預防專擅之漸然亦不係乎此況古有三公坐論之禮大學士等皆年老大臣當此嚴寒就地長跪朕心特切軫念嗣後著鋪氈墊以示優禮至意是

月復

諭曰朕御門聽政之時翰林院修撰編檢與科道一同侍班翰林班次在科道之上科道懸帶數珠而翰林

未有定制朕思侍從之臣理應畫一嗣後修撰編檢亦著一體懸帶數珠以肅朝儀凡

御門聽政之典常日部院章奏未奉

聖旨者折本下內閣積若干件得

旨

御門聽政內閣宣布在京部院寺各部院寺官檢所應進奏事於函飭陪奏官屬吏部轉飭侍班官具吉服依期畢會其儀並見

大清通禮恭遇

聖駕駐蹕圓明園

御勤政殿聽政奏事及啟奏折本皆如

御乾清門聽政之儀

經筵

順治九年定每歲春秋仲月各舉

經筵一次大學士知

經筵事以尚書左都御史通政使大理卿學士等官侍班

以翰林院官二人進講十四年議准每歲春秋行經筵禮豫期禮部行知欽天監諏吉內閣酌定講官人數均具疏奏

聞經書講章令講官撰擬內閣改定恭呈

御覽

康熙二十四年定制以大學士尚書左都御史侍郎學士詹事充

經筵講官滿漢各八人歲以滿漢官各二人分講經書至

日

皇帝御文華殿滿漢講官各一人進講四子書義畢

皇帝闡發書義宣示臣工講官暨侍班官跪聆畢興滿漢

講官各一人進講經義畢

皇帝闡發經義各官跪聆亦如之各官至丹墀行禮畢講

官入

殿內

賜坐

賜茶禮成

皇帝還宮是日

賜燕於

太和門東廊二月

文華殿告成行

經筵禮前一日祇告

皇師

帝師

欽定四庫全書

皇朝通志
卷四十二

二十七

王師

先聖

先師於

傳心殿至日

上御文華殿進講如儀自後恭遇

經筵行禮並同

雍正三年

諭自古修己治人之道載在經書帝王御宇膺圖咸資典

學我

聖祖仁皇帝天亶聰明而好古敏求六十餘年孜孜不倦
朕幼承

庭訓時習簡編自即位以來更欲以研經味道之功為敷
政寧人之本今八月二十三日為釋服之期爾等可擇
日舉行經筵典禮

乾隆五年奏准衍聖公入

覲來京恭遇

經筵即令入班聽講七年二月

諭今日舉行經筵典禮禮部據向例以天雨奏請改期

朕思經筵大典業經祭

告自應舉行但執事諸臣例應在丹墀內行禮未免衣冠沾濕著衣雨服列班駕到即入殿進講講畢即奏禮成其階下行禮殿內賜茶諸儀停止嗣後遇雨皆照此例

臨雍

順治九年定

皇帝視學先期禮部具題差行人

召衍聖公五經博士各氏後裔乘傳赴京觀禮是年二
月上丁日

世祖章皇帝幸太學行釋奠禮畢詣彛倫堂
御講幄國子監祭酒講四子書司業講經宣

制以勉太學諸生翼日衍聖公及祭酒等上表行禮

賜衍聖公內院翰林官祭酒司業五經博士各氏後裔及

禮部太常光祿鴻臚寺各執事官宴於禮部越二

日於

午門前

賜衍聖公貂冠朝服滿漢祭酒司業錦緣領袖紵絲袍監

丞五經博士各氏後裔筆帖式紵絲袍助教肄業

生白金各有差各氏後裔並送監讀書廣國子監

鄉試中額十有五名又頒

勅諭一道勉勵諸生祭酒奉置采亭率屬前導至大學開

讀祭酒率衆行禮畢刊刻懸設彛倫堂越三日行
聖公等於

午門外謝

恩十七年重修

文廟落成

視學禮儀與九年同

康熙八年二月上丁

聖祖仁皇帝幸太學行釋奠禮講學於彛倫堂頒

勅諭一道

賜衍聖公國子監祭酒以下與順治九年同

雍正二年正月

諭帝王視學大典所以尊師重道為教化之本朕覽史冊
所載多稱幸學近日奏章儀注相沿未改此臣下尊君
之詞朕心有所未安今釋奠伊邇朕將親詣行禮以後
奏章儀注稱幸非宜應改為詣學二月上丁

世宗憲皇帝詣學典禮與康熙八年同其在京進士舉人

與觀禮者與貢監生同

賜白金

乾隆二年

諭國學

文廟特命易益黃瓦是年奏准閔氏冉氏言氏卜氏顓
孫氏端木氏世襲五經博士均照五氏之例行取
陪祀並取閔冉等氏各二人赴京觀禮三年仲春
上視學典禮與雍正二年同重頒

勅諭一道訓勵諸生四配十二哲後裔暨元聖周公裔
東野氏來京觀禮者均送監讀書是年

召見衍聖公暨五經博士各氏後裔等十有八人奉

諭爾等皆聖賢後裔因朕視學來京特行召見爾等既
為聖賢之後即當心聖賢之心凡學聖賢者非徒讀
其書而已必當躬行實踐事事求其無愧方為不負
所學況身為聖賢子孫尤與凡人不同不能實加體
驗徒騫讀書之名實與祖德家風不能無忝爾等務

須勤思勉勵克紹先傳以副朕諄切期望之意四十

八年

上親詣釋奠禮成

特命創建辟雍於彝倫堂之南先是有以復建
辟雍請者部議以太學乏水而止至是稟承
聖諭汲井引泉甃為園水

正殿穹隆橋門四達前列牌樓鐫

御書學海節觀園橋教澤匾額旁列

御碑亭二恭鐫

御製國學新建辟雍園水工成碑記

御製三老五更說

御製上丁

釋奠後臨新建辟雍講學得近體四首及

御論二篇前為鐘鼓樓規制悉由

睿定四十九年冬告成五十年二月


上親詣釋奠禮成

御新建辟雍講學新定以大學士二人講書祭酒二人
講經

上親宣玉音講大學為人君止於仁為人臣止於敬為
人子止於孝為人父止於慈與國人交止於信易
經君子以自強不息王公大臣衍聖公以下內外
官員進士舉人肄業生等圜橋聽講者三千餘人
皆行禮如儀是日瑞雪飛霽

上命隨從官員各予紀錄一次並加

賜執事官員緞一匹聽講諸生紬一匹其餘
賜燕賞賚加額悉如前儀



皇朝通志卷四十二

欽定四庫全書

史部

皇朝通志卷四十三
五至

編修臣錢樾覆勘

總校官編修臣倉聖脉

欽定四庫全書

皇朝通志卷四十三

禮畧

嘉禮二

臣等謹按鄭樵通志載天子納后妃天子冊立妃
嬪夫人之儀茲謹據

本朝會典通禮所述

皇帝大婚

冊立

皇后暨

冊封

妃

嬪之典著於篇中其儀節之詳備見於通禮者不復具載而

皇子親王以下婚儀公主以下下嫁之儀以次附見焉

皇帝大婚

冊立

皇后禮

崇德元年四月

冊立中宮嫡妃為

皇后是日設黃幄於

清寧宮前設黃案於幄內王公百官朝服序立

崇政殿前

太宗文皇帝御殿

閱冊寶

命正副使持節至

清寧宮宣讀

冊文行

冊立禮禮成正副使持節復

命

皇后率公主王妃命婦于

太宗文皇帝殿前行六肅三跪三拜禮諸

妃率公主王妃命婦詣

中宮行六肅三跪三拜禮

上御殿諸王大臣進滿洲蒙古漢字三種表文次第宣讀

行慶賀禮

順治八年八月

世祖章皇帝大婚冊立

皇后前期題定納采大徵禮數

大婚前一日遣官祭告

天

地

太廟屆日質明

上朝服出御太和殿視

冊寶授冊封使臣禮部官前導由

協和門出詣

皇后邸是日先遣親王二人奏請

皇太后至位育宮

上出宮步迎至

太和門內

皇太后由太和殿入宮冊封使臣既至

皇后邸內院官讀

冊寶文畢獻

皇后

皇后跪受望

闕行六肅三跪三叩禮畢

欽定四庫全書

皇朝通志
卷四十三

皇后升輦至

太和殿階下

皇后降輦由中道入宮禮部堂官奏請

上御中和殿率諸王入宮於

皇太后前行三跪九叩禮畢

上復御中和殿

皇后率諸王妃朝見

皇太后行六肅三跪三叩禮畢禮成

皇后還宮諸王妃入侍

皇太后燕

上出御太和殿賜諸王及察哈爾額駙阿布鼐親王土謝

圖親王卓禮克圖親王等並貝勒文武羣臣宴畢

上回宮

皇太后乘輦還

慈寧宮

上恭送如初次日

上御太和殿諸王貝勒文武羣臣上表行慶賀禮

頒詔天下十一年六月

冊立

皇后行大婚禮前期

諭禮部諏吉日擬定儀注及

大婚之日

御太和殿閱

冊寶宣

制命正副使持節詣

皇后邸行

冊立禮有司具儀駕鹵簿奉迎

皇后升輦入宮大婚禮成次日

上御太和殿文武羣臣上表行慶賀禮賜宴

頒詔天下

康熙四年九月

聖祖仁皇帝大婚冊立

皇后前期一日行大徵禮屆期

上御太和殿閱

冊寶畢授冊封使臣捧至

皇后第宣讀

皇后謝恩行禮畢鑾儀衛陳儀仗車輅鼓樂前導

皇后由大清中門行

御道至

太和殿階下降輿內監奉

冊寶前導恭侍命婦十人祇迎入中宮

上具禮服詣

太皇太后宮

皇太后宮行禮還宮行合巹禮畢

上陞太和殿賜

皇后親屬及諸王百官筵宴

皇后詣

太皇太后宮筵宴諸王以下免行禮公主王妃以下免會

次日

皇后詣

太皇太后

皇太后宮行朝見禮次日

上御太和殿王以下文武各官上表行慶賀禮

頒詔天下十六年八月

冊立

皇后前期遣官祇告

天

地

太廟後殿

聖祖仁皇帝親詣

奉先殿告祭屆日設

節案於

太和殿正中設

冊寶案於左右

同日

敬嬪

冊封

瑞嬪

貴妃

榮嬪

安嬪

惠嬪

宜嬪

僖嬪設

貴妃冊寶案

嬪冊

案於左右次稍後以後遇同日

冊封

妃嬪

儀節並同

上御太和殿閱

冊寶王公百官咸朝服按翼序立乃宣

制命正副使持節行

冊立禮正副使至

景運門內監接奉

節

冊寶入宮

皇后受

冊寶行禮如儀

行受

貴妃

冊禮

嬪各

內監接奉

節授正副使正副使還至後左門復

命

上率王公大臣詣

太皇太后

皇太后宮行禮次日

皇后禮服詣

太皇太后

皇太后宮

皇帝前行禮各如儀公主福晉命婦免隨行禮越三日

上御太和殿王公百官上表行慶賀禮如儀免公主福晉

命婦詣

中宮行禮

頒詔天下二十八年七月

冊立皇貴妃為

皇后先期遣官告祭

太廟至日行

冊立禮

頒詔天下

雍正元年十二月

冊立嫡妃為

皇后前期遣官告祭

天

地

太廟

社稷至期行

冊立禮俱如儀惟慶賀典禮得

旨俟三年後補行次日

頒詔天下三年十月

上御太和殿王以下文武大臣官員進表補行慶賀

冊立

皇后禮禮畢

御乾清宮

皇后率

妃

嬪行六肅三跪三叩禮次日

妃

嬪率公主王妃命婦詣

皇后宮行慶賀禮均如儀

乾隆二年十二月

冊立嫡妃為

皇后先是雍正十三年十二月

諭禮部朕祇遵

皇太后懿旨立嫡妃富察氏為皇后應行典禮爾禮部詳

察具奏乾隆元年二月禮部擬定典禮具奏得

旨冊立皇后典禮著於二十七月後舉行至是始行

冊立禮前期遣官告祭

天

地

太廟

社稷至日

御太和殿宣

制遣使

皇后受

冊寶均如儀次日

上率王公大臣詣

皇太后宮行慶賀禮畢

御太和殿王公百官上表稱賀如儀

皇后率

貴妃

妃

嬪詣

皇太后宮行慶賀禮畢內監請

皇上御內殿

皇后率

貴妃

妃

嬪行禮畢還宮

貴妃率

妃

嬪及公主王妃命婦詣

皇后宮行禮是日

頒詔天下十五年八月

冊立攝六宮事皇貴妃為

皇后先是十三年

冊命

皇貴妃攝六宮事至是年行

冊立禮前一日遣官告祭

天

地

太廟

社稷至日

御殿遣使受

冊寶慶賀行禮諸儀均與乾隆二年同凡

大婚之禮

制下禮部徧布諸司供備諏納采大徵奉迎吉日以

聞會工部製金

冊金

寶翰林院撰

制冊文進呈

欽定送內閣恭鐫如儀

命尚書一人充納采使內務府總管一人充副使凡

冊立之禮

制下禮部尚書一人赴內閣承

制乃諏吉以

聞徧布有司供備恭製

冊

寶如儀以大學士充

冊立使尚書充副使凡

冊封

皇貴妃

命下禮部諏吉以

聞工部製

冊禮部製

寶均以金送內閣鐫字如儀正使以大學士尚書充副

使以侍郎內閣學士充先一日遣官祇告

太廟後殿

奉先殿至日內鑾儀衛設

皇貴妃儀仗於本宮門外使至宣

冊寶受

冊寶及朝見行禮並如儀

冊封

貴妃儀

命下所司供備製

冊寶均以金遣官祇告內鑾儀衛設

貴妃儀仗於本宮門外宣

冊寶受

冊寶及朝見並如

冊封

皇貴妃之儀

冊封

妃儀

命下所司製

冊印均以金遣官祇告內鑾儀衛設

妃采仗於本宮門外宣

冊印受

冊印及朝見儀俱與

貴妃同

冊封

嬪儀

命下所司製

冊以金奏請

命使

不遣官
祇告

至日內鑾儀衛設

嬪采仗於本宮門外宣

冊受

冊儀均與

妃同

皇子親王以下婚儀

凡

皇子指婚內務府豫劄欽天監諏吉日並列大臣命
婦中偕老者奏襄婚事既得

旨以告於福晉家屬期贊事大臣偕福晉父蟒袍補服

詣

乾清門東階下福晉父北面跪贊事大臣西面稱有
旨令以某氏女作配與皇子某為福晉福晉父承

旨訖行三跪九叩禮退廼諏吉納幣奉迎合卺品物禮
節如儀婚禮既成翼日

皇子及福晉夙興朝服內務府管領妻二人導詣

皇太后

皇帝

皇后前行朝見禮

皇子三跪九叩福晉六肅三跪三叩其有

妃嬪所出者次詣所出

妃嬪前行禮

皇子二跪六叩福晉四肅二跪二叩各如儀凡親王

將及冠訪朝臣女或外藩王女年齒相當者奏

聞請

旨

命下以次行禮定婚納幣成婚如儀如奉

旨賜婚者是日王朝服詣

太和殿前謝

恩如儀既成婚之明日王及福晉夙興朝服詣

大內謝

恩行禮如

皇子婚儀凡世子郡王納幣禮降於親王一等若聘外藩親王女鞍馬甲冑繒帛白金器如親王聘外

藩郡王女之數婚禮既成餽贈外藩親王郡王及福晉送女來者並女之兄弟及隨從男婦衣物均如親王例凡長子貝勒婚儀納幣禮數降於郡王一等凡貝子宗室公宗室將軍閑散宗室婚儀各依次降一等其儀物並見

大清通禮

公主以下下嫁儀

凡公主下嫁之禮內務府豫劄欽天監諏指婚吉

日並列大臣命婦中偕老者奏襄婚事既得

旨禮部以告於額駙家屆期贊事大臣偕額駙蟒袍補

服詣

乾清門東階下額駙北面跪贊事大臣西面稱有

旨令以某公主擇配某人額駙祇受

命行三跪九叩禮退初定筵宴

皇帝御保和殿

賜額駙父等宴如

太和殿宴禮宴畢內務府鴻臚寺官引額駙父等至
乾清門西階下行三跪九叩禮退是日

皇后率

皇貴妃

貴妃

妃

嬪詣

慈寧宮

皇太后陞寶座筵宴額駙母及諸婦行禮各如儀內監引
額駙母及諸婦詣

皇后宮行六肅三跪三叩禮退于歸合卺禮成翼日行
朝謝禮公主額駙夙興朝服公主詣

皇太后

皇帝

皇后前行禮其有

妃嬪所出者並詣所出

妃嬪前行禮額駙詣

慈寧門外東階下

乾清門外

內右門外行禮各如儀凡郡主將及笄訪外藩蒙古

王子年齒相當者奏

聞請

旨

命下以次行禮若奉

旨賜婚者額駙先詣

乾清門謝

恩如公主指婚之儀成婚之明日額駙偕郡主夙興朝服詣

大內謝

恩行禮如親王納福晉儀凡縣主出嫁納幣視郡主降一等筵宴儀準郡王郡君出嫁筵宴儀準貝勒縣君筵宴儀準貝子鄉君筵宴儀準宗室公其納幣

禮數各以次降一等其儀並見

大清通禮

頒朔

臣等謹按鄭志讀時令一條備載漢唐時立春立夏大暑立秋立冬讀五時令之儀茲考帝王授時協令典莫大於頒朔我

朝一道同風正朔之奉遠訖四海

頒朔儀節備著於會典通禮謹甄錄大節著於篇中

順治二年時憲書成欽天監進呈

御覽

世祖章皇帝御武英殿文武各官咸朝服齊集

午門外頒朔行禮是年題定每年十月初一日欽天

監官奉恭進

皇帝

皇太后

皇后時憲書至

太和門丹墀左行三跪九叩禮授內府官奉時憲

書入恭進

皇帝

皇太后

皇后是日黎明貝子公暨文武各官咸朝服集

午門外欽天監官先陳設頒給王公百官時憲書於

紅案上鴻臚寺官宣

制曰欽天監進某年時憲書其賜王公百官頒行天下

宣畢羣臣行三跪九叩禮畢親王郡王各令所屬
依次跪領貝子公親跪領文武官各以其長一人
跪領回署頒給所屬官各退十八年定朝鮮國每
年十月朔遣使齎咨赴部恭領時憲書豫劉欽天
監封送儀制司本司郎中朝服於司署頒發來使
跪領齎回本國康熙三十二年

頒時憲書於內扎薩克科爾沁等二十四部落均以各來

使請

安之便按名給發五十三年

頒時憲書於外扎薩克喀爾喀等十有五部落與科爾沁
等部落同雍正三年定頒給青海扎薩克王台吉
等時憲書於每年領俸幣時一同給發七年定各
省布政使司每歲四月由欽天監頒發考定時憲
書式敬謹刊刷鈐蓋庫貯欽天監時憲書印信凡
見任文武大小官及在籍有職官舉人貢生等各
給一本以彰敬授人時之意至各省民戶繁多勢

難遍給應將所刻書板發貯公所聽匠役或書坊
備紙刷印赴布政使司鈐蓋欽天監時憲書印發
賣俾深山僻壤咸知時序月令乾隆二年覆准散
給青海扎薩克王台吉等時憲書於每年五六月
間同俸幣給發似覺稍遲應先期於每年十月將
次年時憲書由兵部交驛站發往青海散給十九
年定孟冬

頒朔於

午門親王郡王貝勒亦令親領行禮是年

頒時憲書於杜爾伯特部落與喀爾喀部落同二十八
年

頒時憲書於哈密闢展喀什噶爾英吉沙爾葉爾羌和
聞烏什阿克蘇哈喇沙爾土魯番伊犁庫車沙雅
爾等十三部落俱由理藩院給發

冊封親王世子郡王

臣等謹按鄭志有冊封諸王侯一條我

朝監古定制無冊封藩國之典茲謹循會典通禮所

載

冊封親王親王世子郡王儀節著於篇中而

冊封公主及福晉夫人等儀附見焉

凡

冊封親王及親王世子

命下禮工二部製

冊寶皆以金若嗣封王則注名於

冊寶世相傳授豫期禮部諏吉奏請

命內大臣散秩大臣一人為正使內閣學士翰林院學

士禮部侍郎一人副之詣王邸第正使持

節前行副使奉

制冊禮部官奉寶隨行王率所屬官朝服跪迎入門行

三跪九叩禮宣

制冊宣寶王退立拜位行三跪九叩禮畢正使奉

節出王率屬出大門外跪送如儀封使回還

節有司退若

冊封郡王製

冊寶皆銀質金飾餘與親王及世子同凡

冊封郡王長子貝勒貝子

命下工部製

制冊以紙前期禮部奏請

命內閣侍讀學士侍讀翰林院侍讀學士侍講學士侍

讀侍講一人為正使禮部郎中員外郎一人副之

迎

節冊受

冊送

節均如諸王儀凡

冊封公主

命下工部製

冊以金禮部諏吉奏請

命正副使持

節往封如親王之儀公主率侍女跪迎於儀門內道右受

冊送

節均如儀凡親王世子郡王福晉長子貝勒貝子夫人間五歲禮部彙疏請行

冊封禮

制冊封使各如其夫爵

節冊視彙封人之數福晉等迎

節冊受

冊送

節各如公主儀凡郡主縣主縣君間五歲禮部彙請遣

使

冊封

制冊用紙儀注與福晉夫人同

三老五更

臣等謹按鄭志載三老五更一條歷敘漢明帝安

帝暨曹魏後魏後周之制牽率附會伊古以來未
有定論恭讀我

皇上御製三老五更說三老記及

題張廷玉三老五更議折衷千古之疑昭然若揭日月

乾隆五十年

御新建辟雍講學禮成鉅典輝煌超軼萬古恭讀

御製國學新建辟雍園水工成碑記有云若夫三老五

更之說予以為括於養老化俗之儀而非天子所必

應並行而不遺者蓋弗見於詩書乃特出杜氏通典之私耳且予向有三老五更之說已明闢其謬茲不復綴乎辭

御製上丁

釋奠後臨新建辟雍講學得近體四首有云三五昔經著說詳謂他杜撰失荒唐注云三老五更之說不見詩書惟禮記出漢儒非孔子之言左傳始有三老凍餒之文注疏者紛紛不一而蔡邕獨斷遂有父事兄

事之說白虎通直以為老更各一人且曰父一而已
不宜有三其謬更甚杜佑通典亦宗其說真成杜撰
矣向嘗著說聞之詳見三老五更說今命刻於辟雍
碑陰大哉

聖言曠然若發蒙矣茲編謹存三老五更之目恭載
御製文於卷中以昭析古今議禮家之迷誤焉

御製三老五更說

三老五更之說不見於詩書其見於禮記者蓋出於

漢儒非孔子之言惟左傳三老凍餒之文為最古然
傳謂公聚朽蠹而三老反不見養遇非與五更相提
並論也註三老五更者多矣或謂上中下壽或謂工
商農而不及五更或謂明天地人與五行之事或謂
取象三辰五星或謂知三德五事者各以臆度不堪
僂指矣至蔡邕獨斷乃有父事兄事之說而白虎通
之謬直以為老更各一人且曰父一而已不宜有三
吁可怪哉天子養老即所以教孝於天下何至以父

事之且即其說父一而已則天子已自有父令復事一人是非二父乎腐儒執虛文而謬大義真不直一喙耳邕復解更為叟謂豕亥之訛夫叟與老同既有老又何藉叟為哉予以謂三者天地人之數養老自以三舉其數耳若夫五更則更事之說為近而五倫五常莫不具於此人數不必其備行之以敬誠愷悌則中和位育將在是矣後儒一切穿鑿之論何足數哉

御製三老記

予既為三老五更之說以聞諸家之謬然以三老之稱數典於左氏其何以稱三老則求其辭而終不得其辭茲以三餘之暇書辟雍詩冊有三老之語臨池下恍然悟曰三老之言實出孟子所謂老而無妻老而無夫老而無子此非三老而何孟子雖出左氏後而此語自由古以傳故即繼之曰文王發政施仁必先斯四者可知文王時即有三老之稱左氏提其綱孟子晰其目耳且晏子對叔向歎齊之將為陳氏所

云公棄其民三老凍餒乃指一國鰥寡獨窮之民之
無恤者設以上壽中壽下壽論之豈八十以下之老
即可以弗恤乎其餘附會之論愈說愈遠然總於辟
雍養老興賢有何涉乎自是而三老之稱徧於鄉閭
所謂三老董公壺關三老之類不一而足蓋耆艾而
長於鄉者即可稱三老而非定三人也夫子三老五
更之說成於戊戌逮今又六年求其說而不得而筆
下偶得之是不可以不記且此六年中何嘗不讀孟

子而未有會茲偶會之益見理不可不日窮書不可不日讀寧渠呈已之是顯人之非以為博聞廣識而已哉

御製題張廷玉三老五更議

戊戌年為三老五更說亦既闢其踳駁而勒之新建辟雍之碑矣今秋駐避暑山莊檢續書之四庫全書內文穎集中有三老五更議之篇而挂漏其名因命檢文津閣之書乃知為張廷玉所撰憬然憶之事在

乾隆戊午為廿七月既閱諸禮畢舉之時於視學之前曾向軍機大臣等談及三老五更而咨其可行與否彼時鄂爾泰依違其間張廷玉則斷以為不可於是奏此議而遂寢其說蓋鄂爾泰固好虛譽而近於驕者張廷玉則善自謹而近於懦者且二人彼時皆可望登此席者也以今觀之則廷玉之議為當設爾時勉強行之必有如廷玉所謂資後人之議者矣若朕戊戌年之所為三老五更說戊戌去戊午歷四十

金史四庫全書
卷四十三
年其事早已忘之蓋戊午朕方廿八歲而戊戌則六十有八此亦足驗四十年間學問識見之效而年少時猶未免有好名泥古之意至今則灑然矣茲觀廷玉之議與朕之說不約而同樹之前旌焉因命並勒辟雍碑以識已學之淺深及弗掩人之善也夫廷玉既有此卓識何未見及朕之必不動於浮言遵

皇考遺旨令彼配享

太廟而臨休致歸里時乃有求入

廟之請此所謂老衰而戒之在得乎朕又以廷玉之戒為戒且為廷玉惜之

鄉飲酒禮

順治元年定京府及直省府州縣每歲於正月十五日十月初一日舉行鄉飲酒禮設賓介主人衆賓之席順天以府尹為主直省府以知府州以知州縣以知縣為主大賓擇鄉里年高有德之人位於西北介以次長位於西南三賓以賓之次者為

之位於賓席之西衆賓序齒列坐司正以教職為之主揚解以罰失儀者贊禮讀法以生員為之以

申明

朝廷之法敦序長幼之節二年定順天府詳稽鄉飲酒舊制移送禮部題請施行嗣後每歲由順天府具題將所舉賓介等姓名履歷呈部存案鄉飲酒讀律令曰律令凡鄉飲酒序長幼論賢良年高有德者居上其次序齒列坐有過犯者不得干與違者

罪以違制失儀則揚解者以禮責之

康熙元年定奉天府州縣行鄉飲酒禮儀與順天同四年定錦州府州縣行鄉飲酒禮儀與奉天同
雍正元年

諭鄉飲酒禮乃敬老尊賢之古制近聞年久視為具文應飭令加謹舉行是年順天府舉行鄉飲酒禮

特命禮部堂官前往監禮歲以為常

乾隆二年覆準鄉飲之典必賓介得人始足以示

觀感而興教化應通行嚴飭嗣後所舉賓介務擇
齒德兼優允協鄉評之人如地方官徇情濫舉即
應題叅若所舉得人而不法之徒或有藉端阻撓
者亦應嚴加究治十八年覆准各省鄉飲竟有頻
年闕畧不舉致曠

大典者應令各省督撫轉飭所屬府州縣每歲遵照
定例於正月十月舉行二次其賓介之數據舊儀
所載鄉飲酒圖有大賓介賓一賓二賓三賓衆賓

與大僕一僕二僕三僕之名按儀禮賓若有尊者
諸公大夫則既一人舉觶乃入注言今文遵為僕
又曰此鄉之人仕至大夫者來助主人樂賓主人
所榮而遵法者也或有無來不來用時事耳又曰
不干主人正禮也謂之賓者同從外來耳大國有
孤四命謂之公又疏言一人舉觶為旅酬始乃入
即是作樂前入又戴記坐僕於東北以輔主人所
謂席於賓東助主人樂賓者也其言主人親速賓

及介而衆賓自從之至於門外主人拜賓及介而衆賓自入三揖至於階三讓以賓升拜至獻酬辭讓之儀繁及介省矣至於衆賓升受坐祭立飲不酢而降皆無一言及饌者所謂不干主人正禮者也嗣後應令順天府及直省府州縣先期訪紳士之年高德劭者一人為賓次為介又次為衆賓皆由州縣詳報府尹督撫覈定舉行其本地有仕至顯官偶居鄉里願來觀禮者依古禮坐於東北順

天府及直省會城一品席南嚮二三品席西向各
府州縣三品以上席南向四五品席西向無則闕
之不立一僎二僎三僎之名不入舉報之內仍將
所舉賓介造具姓名籍貫清冊送部存案以昭慎
重

皇朝通志卷四十三